

新疆圖志卷一百四

奏議十四

國朝 饒應祺

遵 旨兼總署大臣會陳新疆交涉情形摺

勦滅綏來謀叛回匪請獎卹存亡員弁摺

招俄商夥辦塔城金礦摺

撫循回衆扼防邊境摺

焉耆府仍辦蒙部交涉事件及改留照磨巡檢片

建設伊犁總兵衙署濟木薩城垣省城軍裝局火藥庫片

會奏新疆增改府廳州縣各缺摺

遵 旨兼總署大臣會陳新疆交涉情形摺

竊<sup>臣</sup>等承准吏部咨光緒二十四年十一月二十二日內閣奉

上諭嗣後各直省將軍督撫均著兼總理各國事務大臣隨時與總理衙門王大臣和衷商辦以期中外一氣相生遇事悉臻妥洽欽此旋承准軍機大臣字寄十一月二十六日奉

新疆圖志

奏議十四

上諭近來各國交涉事件日益紛繁昨諭各直省將軍督撫兼總理各國事務大臣以便因應此後遇有交涉細故應就各省地方情形斟酌妥協即行辦理不得概從延誤其實在關繫重要事件必須商明總理衙門方能定議亦應隨時據實電咨切勿含糊掩飾以致往還輾轉徒費周章將此通諭知之欽此欽遵先後咨寄前來<sup>臣</sup>庚與<sup>臣</sup>應祺往返電商竊維新疆地處極邊西北緊與俄界毗連西南一隅復與英屬外部接壤省城伊犁塔城喀什噶爾等處均已駐有俄領事由各道設立中俄通商局領事會辦交涉事務喀什噶爾一處近年英駐游歷兼辦印度事宜上年由駐京英使照會總理衙門請嗣後印度商民交涉事務准英游歷官與中國地方官商辦現定條規大致與領事相同計沿邊六千餘里交涉紛繁綜其要領大致不外商務界務及查拏匪犯維持民教數大端新疆地屬陸海商務初興與沿海沿江通商口岸不同從前中俄條約俄商在蒙古及天山南北兩路貿易暫免納稅故俄

商出入邊卡僅派員驗票稽查無裨稅餉惟商務漸增則貨帳愈形糾葛雖中屬商民該欠俄商帳項照約官不代賠但約內載有准以貨相易抵帳等語一遇中商拖欠領事卽照請追交變產毀家不容緩讓間有無力歸還及避匿不到者領事卽指官爲狗庇喋喋不休若中屬商民赴俄貿易每在俄界虧本及被扣留加徵私罰等事回時呈道照請查究領事則多方推卸其能著落完結者十不獲一近日中英交涉商務英游歷意存操切臣應祺援引各國條約飭屬辯論漸已就緒此商務糾葛之情形也沿邊界務從前議和大臣因伊犁惠遠等城係俄代收代守並初約過濫徐與磋磨補救是以於光緒十年續定界址較舊時均有加增伊犁甯遠塔爾巴哈臺等處中俄城卡對峙鷄犬相聞舉步可達臣庚歷年會商塔爾巴哈臺參贊大臣並與臣應祺督飭伊犁道伊犁塔城鎮協查勘要隘添築卡壘挑派弁兵責成巡察以守爲防從未敢稍有疏懈自伊犁迤西至喀什噶爾以南大山橫亙深邃動

## 新疆圖志

奏議十四

二一

逾千里原日勘界大臣遇人跡罕到之處遙指山水劃分周匝卡倫遠近本未畫一俄自經營塔什干費爾干等省駸駸東向英防擾及印度遂乘坎部內變而收併之光緒十七八年俄英爭分大小怕米爾在中屬爲甌脫之地得其民不可耕使然事關邊防大計慮失險要前護撫臣魏光燾升任撫臣陶模並臣應祺前在藩司任內會商前喀什噶爾提督臣董福祥等派兵扼要駐防清吾邊圍一面委員分赴山內查勘形勢繪圖立說曾經咨送總署有案前年訪聞俄英會立祕約係就中屬薩雷濶勒爾山陰阿克蘇河以西劃分臣應祺商詢前後各提臣密飭喀什噶爾道黃光達詳細查訪均稱薩雷濶勒爾大山爲中外天然界限喀什要隘以色勒庫爾布倫庫爾烏魯克恰提恰哈瑪克四處爲緊要門戶而四處之中色勒庫爾則以新安達坂喇斯庫穆爲藩籬布倫庫爾則以蘇巴什木吉爲藩籬烏魯克恰提則以業干爲藩籬恰哈瑪克則以黑子霍爾罕托雲爲藩籬此外木虎素蓋提兩處亦關緊

要現均派兵設卡嚴防勤探以備不虞俄英分界尙與邊防無礙每屆三年中俄派員會查界務一次<sup>臣</sup>等分段委員履勘牌博概係照舊豎立惟邇年來俄英商民分赴各城交易其從前封禁及未設卡倫之處領事等往往堅請開禁移卡意存嘗試覘吾守備<sup>臣</sup>等照約爭執未允輕議更張此界務謹守之情形也查緝逃犯各辦各國之人載在通約中俄續定界址布回哈薩克等部皆係就界劃隸加以白逆餘黨率同回纏投俄安其邊境中俄壤地處處相錯地方官及卡倫弁兵無論如何認真清查而乘隙混入勢難盡絕此等逃入平時自認爲中屬之民一經犯事則轉報領事稱謂俄屬地方官就票查訊布纏哈薩克等名字同音最夥輾轉繙譯領事強執廢票爭執前數年伊塔一帶俄民越界搶竊之案層見迭出交辦則支吾不收緝犯則推卸不解卽獲正犯狡展不認解回擬辦亦有旋解旋來之事且各城久隸中屬之人或置產娶妻生子犯事冒認屬俄領事百計袒護藉爲勾引之媒猶必請

## 新疆圖志

奏議十四

三

予地方官以違約查訊之咎蠻觸橫爭不可理喻其俄民在中屬有被搶竊傷害等事領事據一面之詞文致牽連必欲重辦方能釋然各道按律定讞靡不多費唇舌歷年俄領事因案電達總署諸多架砌此查拏逃匪逸犯齟齬之情形也教案一事各省皆有沿海沿江省分最多新疆布哈纏回咸習回教故從無傳習洋教之人間有內地教民流寓此間確查亦屬無幾此民教尙屬相安之情形也<sup>臣</sup>等忝膺重寄顧念時艱交涉日益繁難自當審慎權衡爲結隣全交之計現在省城領事頗通華言文字推誠相與尙能勉就範圍伊犁塔城喀什噶爾各領事遇事故與爲難幾致不可情動而喀城撇領事則尤甚焉茲荷

聖恩訓誨周詳飭兼總理各國事務大臣惶悚殊深嗣後亟應勉竭愚忱凡交涉細故卽酌理準情和平商辦力求速結重要事件悉心會商務在慮遠防微主持正議力顧大局如有必須咨商總理衙門方能定議者恪遵

諭旨隨時據實電咨決不敢孟浪遷就掩飾推卸輾轉延誤有負  
聖主諄諄誥誥誠爲國爲民至意所有兼總署各國事務大臣並新  
疆交涉情形謹據實直陳伏祈

聖鑒訓示施行

勦滅綏來謀叛回匪請獎卹存亡員弁摺

竊查新疆回族最夥有纏回漢回纏回樸拙尙各相安漢回則土  
客雜居良莠不一又分老教新教雖皆以謨罕默特爲宗而老教  
守正新教則爲愛力一門之別派其流弊多變爲邪阜康吳勒者  
子自謂得妥德璘真傳到處以邪說惑衆於清真寺外改設教堂  
爲道堂各立一稿哇里主之數鄉老副之初亦不過教經後乃謀  
爲不軌綏來回民馬三即馬玉獐二十一年之變因帶團捕匪得  
保州吏目家頗殷富吳勒者子感以邪術謂其有二十年清真王  
之分只候天主口號到時自有天兵天將相助馬三信之遂拜吳  
勒者子爲海元帥穆薩阿洪爲軍師張三鐵復興馬依麻木等爲

新疆圖志

奏議十四

四

大頭目與昌吉阜康呼圖壁迪化各稿哇里勾結約期爲亂其謀  
甚秘雖鄉老亦不全知也吳勒者子今春改漢裝爲纏去髮而微  
留其鬢往來省城與穆薩阿洪密相結形迹可疑臣當飭密查據  
巡檢馬紹榮留營差弁海占龍馬占奇均報該逆實有不軌情事  
正飭掩拏將鄉老劉進才管押該逆聞風先遁忽於五月二十七  
日據瑪納斯協副將曾松明馳報二十五六日疊據回民馬智元  
吳啟山沈得元等密報馬三定於二十六夜謀反襲城時署該縣  
黃廷珍履勘渠工公出曾松明卽商典史曾壽樾密飭弁兵民團  
不動聲色分段扼備瑪納斯本合南北中三城爲一地廣兵單馬  
三城內舖房甚多其住宅卽在南城協署之後抵暮閉關搜查毫  
無影響而馬三先一日出居其鄉莊三更時火光突起人聲鼎沸  
城內到處皆賊城外之賊由西南角梯城而上千總朱楚南首先  
迎擊短兵相接致頭面臂膊俱帶重傷把總蔣富仁督隊接應立  
斃悍目餘賊稍卻城內伏賊洶湧齊起都司藍德清與千總曹喜

分路巷戰擊斃馬三之婿馬從復並悍賊十餘人由後街繞撲馬隊營壘藍德清折回督隊開槍大聲喊殺致左脇被槍子穿過裹創血戰仍不稍卻卒保其壘賊攻縣署糧倉典史曾壽樑與協標所派把總周香喬夏允嵩等率丁勇固守賊以大斧斫縣門未開陣亡縣書二名壯丁五名賊分悍黨爲兩股一由中城南街一繞北城徑撲中營圖搶軍火曾松明督隊拒戰蔣富仁由城上繞回營內扼守賊率梟鷲猛撲十數次均未得成排列彼此對放槍礮幸毛瑟犀利斃賊極多紛紛撲跌城下相持達旦賊不能支由城北衝下中城經鄉約團紳遊擊吳蔭南張義張永勝等率團堵禦賊遂敗退而吳蔭南九人均歿於戰事馬三見四攻不能進撲城不能開又連斃其逆婿悍日始率死黨越城狂竄各隊跟追擒獲助逆受傷之犯馬生福馬彪等七名紳民緹送助逆受傷之犯王主麻子四名匪首鐵復興爲鄉約沈得元所獲據供係馬三姻親吳勒者子同謀造反因省城捕急來此起手夥黨五六百人已被

## 新疆圖志

奏議十四

五

勦斃不少訊畢當卽軍前正法共計斃賊七八十人陣亡員弁五名紳民十名受傷員弁兵民三十七名都司藍德清受傷後旋即陣亡此五月二十六夜綏來逆回倡亂襲攻縣城官民預防力堵當經擊敗之實在情形也臣接稟報卽派撫標右營遊擊徐積誠中營中旗馬隊守備譚迪安兼程馳往助勦飭曾松明妥布城守卽分隊跟踪追勦並委遊擊焦生有就近在綏招其舊部練馬隊一旗由協營撥給軍火同赴該處南山搜捕餘匪通飭庫爾喀喇烏蘇呼圖壁昌吉各營撥兵兜勦一面飭迪化城守協副將查春華撫標中軍參將張俊三嚴戒城防會同迪化縣劉兆松與新字營參將楊金榜設法緝拏同謀之穆薩阿洪李文興王兆成訊明立置之法省城謠言漸息人心爲之稍定復飭總理營務處布政司趙爾巽籌布防勦一切事宜並委兼臬司鎮迪道潘效蘇已革奉天東邊道宜麟總理省城團練選募天津商民丁壯五百名編成營隊協助城防派弁四出偵探旋得馬三自率數十騎已由綏

來南山潛赴迪化東山之信當派署城守都司唐寶<sub>臣</sub>率守備馬占奇海占龍挑帶回勇數十名尋踪追捕遇賊於白楊河擊斃悍目數名該逆先踞山險開槍抵拒陣亡把總楊萬良受傷回勇三名斃馬三匹士氣益奮冒險窮追奪獲賊馬十三匹皮包包四箇內鉛子千餘火藥六十斤洋火四匣矛桿七根杈子鎗一根麪米乾糧數百斤該逆乘夜逃入深菁次日添派楊金榜率隊偕唐寶臣由博克達山西麓向東而進齊上海臺會勦比至東嶽廟四望已無賊踪尋據住持口稱昨日有回匪二三十人到此少憩隨即分逃現已不知去向各軍分路搜捕而下陳天榮擒獲馬成功並同團勇擒獲丁富有馬魁馬金堂交揚德發解省訊明斬訖藩司趙爾巽夜出巡查盤出逃匪馮興道親提鞫問供稱同馬三敗逃上山見官軍追急乃分途逃命隻身溷入省城探親不知馬三何往等語<sub>臣</sub>飭迪化縣劉兆松密派回紳楊金堂等設伏烏拉擺葦湖內將逆首馬三並其少子馬添祥拏獲海占龍等亦捕獲譚生魁金中玉等解省當飭兩司會訊據馬三供聽信吳勒者子邪教充當綏來稿哇里同謀造反教令製備白巾白衣上書回經並各給護身符一紙謂可封槍礮刀火不能傷身因各道堂糾黨未齊原定六月十二日比照同治三年破陷烏魯木齊之期分由庫車喀喇沙爾綏來兩路動手不料吳勒者子被省城捕急於五月二十五日自帶夥黨十八人逃至綏來以事機敗露急欲在綏舉事約以哈喇胡爲口號書於綠邊白心旗上定二十六夜分頭撲城不料官兵防備嚴密槍礮利害當被擊出因吳勒者子曾言昌吉呼圖壁俱預備有人所以隨帶數十人希圖糾合徑撲省城又不料到處有兵把守祇得從僻徑繞入東山再作打算復被跟追逃避無路今蒙拏獲實係誤聽吳勒者子蠱惑謀反後悔無及等供復經<sub>臣</sub>親提鞫問所供直認不諱<sub>臣</sub>當卽恭請王命將該逆首馬三卽馬玉獐綁赴市曹凌遲處死懸首犯事地方餘匪一併正法此省城防勦竄回拏獲首要各逆就誅之實在

情形也。綏來擊散回匪後，該署縣黃廷珍聞驚，率石河子紳團星夜馳回。次晨抵城根，遙見大股賊匪向南逃駛，率團追趕，獲匪二名，旗一面，陣亡團勇一名。又追獲逆眷婦孺數十口，蓋謀逆各回自各鄉莊遷來預備襲占入城後安處衙署者也。紳民陸福緯、史信王占魁、吳啟山、張明德等，緝送受傷回匪馬生福、黑旦子、馬成吳、成二里子、馬哈三、馬林、葉福、李朶、鐵兒等十三名，訊係撲城槍械所傷，當并前獲二匪，悉正典刑。曾松明會商徐積誠暫駐綏城，以安人心。分撥哨隊同譚迪安、焦生有各帶馬隊進山，分赴石廠及甘溝等處搜勦。烏合之衆各鳥獸散，惟逆目馬聰驅同黨槍手並裹脅逃回百餘人，東竄呼圖壁一帶。經署撫標左旗馬隊楊大鵬與巡檢武永清追拏，逆目趙老九擺大帥，卽擺玉連奪獲洋礮馬刀回文符片勇丁受傷一名，復會同戶勇追捕田文舉、趙幅兒弟三名，奪獲馬匹槍矛回文符片，訊皆綏來打仗敗匪一併批飭正法。訖初七日，忽報有大股回匪竄入寺人溝，楊大鵬派把總王

### 新疆圖志

奏議十四

七

敦仁追之，會商譚迪安分道進溝，一由後路一截前路，兩面夾擊，以期聚殲。初八日，王敦仁同戶勇盧天福等追至石門子，見數賊迎面來撲，合力奮擊，賊愈戰愈多，相持數時之久，槍斃悍賊數名，帶傷多名。營勇李富貴、楊春芳受槍陣亡，尹錫賢等均受重傷。戶勇陣亡受傷各數名，盧天福被槍由乳旁洞穿死，經四日復甦。譚迪安聞警馳往，賊見兵勢漸多，潛匿山後伐木爲橋，偷渡呼圖壁河。腦徐學功、焦生有由綏來搜山，適至開赴山溝各處尋捕，不見一賊。臣料逆黨不能株守荒山，必圖竄逸，諭派都司楊德發、新字旗總哨提督吳首懷率精騎百餘進紮謝家灣，邀其來路。果於花石頭溝遇賊大股，不意官軍猝至，拚命死鬪，陣亡勇目李保初、李春福、鄔成雲三名，受傷四名。吳首懷怒馬陷陣，額受矛傷，血流被面，曾不稍卻。楊德發爲深澗所阻，躍馬經渡，繞從賊後，包抄各騎，繼之勇氣百倍。自未至戌，連環轟擊斃賊三十七名，墜崖死者不計其數。殲除殆盡，僅餘數賊。天黑收隊，次日搜山官兵及鄉勇搜

山擒獲四名此股殲除淨盡此綏來餘匪東竄經呼圖壁營團追捕並省城派隊勦滅之實在情形也此外庫爾喀喇烏蘇營盤獲逃匪馬有幅昌吉拏獲匪首張三卽張國得匪犯吳滿庫鐵貴韓三哇子阜康拏獲夥犯馬成功均就地正法所有省關稿哇里買二金卽馬二里子阜康稿哇里馬相卽馬祥呼圖壁稿哇里韓二里古牧地稿哇里王兆成俱各解省伏誅惟吳勒者子一犯據綏來縣黃廷珍等會稟連日諭團搜捕據三工戶民王生福稟稱五月二十七日見一回匪神色慌張向前盤問該匪卽放六響手槍未中王生福持矛猛刺適中該匪胸膛卽倒斃搜獲隨身回文銀圖記二顆瑪瑙數珠一串回經一本核其年貌確與吳勒者子相符惟屍經野獸殘食不全無從驗證<sup>臣</sup>札取各物至省與前獲各犯所佩僞造護符查對圖記係吳勒者子傳教名字回語謂之帽爾經文的是吳逆平日傳教所用質之續獲各犯俱指爲該逆隨身不離之物復由昌吉拏解其妾吳蘇氏到案辦認各物屬實

## 新疆圖志

奏議十四

八

並自認裝盛經本數珠之羊皮肚袋褲帶亦係該犯正身所繫供證確鑿謂死無疑該逆妖言惑衆惡貫滿盈竟爲鄉民刺死骸骨不全此亦天網無漏但倖逃顯戮死不蔽辜<sup>臣</sup>仍飭屬確查不敢遽爾弛捕竊維天方教之入中國已千百年新省半屬回疆勢難禁絕惟歷來叛亂皆由新教綏來乙未之變相去纔四年耳一經吳逆煽惑馬三以回紳之首甘爲叛逆之魁蓄謀甚深聲氣甚廣旬日間竄擾五六百里陣亡三十餘人受傷猶不止如所報之數幸發覺在先籌勦籌防尙皆順手未致遲誤事機牽動大局此皆遙託

皇上福威迅就殲除非<sup>臣</sup>始念所及也查吳逆乃回類之敗類其教背乎老教並爲新教之異端<sup>臣</sup>通飭各屬將所設道堂一律拆毀產業充公嗣後止准在寺唸經不准再立道堂並不准私設教堂以免朦混而滋事端除同謀在逃之匪仍飭分緝務獲外若但誤從其教而未與謀者勒令改歸正教准予自新不再深究以安



反側所有在事文武官紳漢回團民或定變倉猝力保危城或帶隊勦捕奮不顧身均屬異常出力有裨邊局理合仰懇

天恩分別獎卹以示鼓勵所有勦滅綏來謀叛回匪情形謹恭摺具陳伏祈

聖鑒訓示施行

招俄商夥辦塔城金礦摺

竊查新疆五金並產而金礦最多久爲各國所艷稱升任撫<sub>臣</sub>陶模與<sub>臣</sub>先後派員查勘金礦曉諭官辦商辦悉聽其便議照各省辦法提成充餉就廠徵課以期漸開利源無如新省素乏熟習礦學之人僅恃人力開採官辦則設局招夫置器運糧核計入不敷出商辦則無人應募若於春冬農暇之時清查挖金貧民按名收課而此查彼匿交納極微開除員役薪工仍與度支全無裨益一切難期成效情形業經詳細

奏明在案其銀礦鐵鉛等礦<sub>臣</sub>頻年百計圖維不遺餘力銅礦省

新疆圖志

奏議十四

九

城附近南山及南路拜城庫車喀什噶爾等處皆設廠採煉每歲共能採銅二十餘萬觔僅敷各城鼓鑄紅錢之用按鑄紅錢四百文易銀一兩尙須稍賠局費鐵礦惟阜康縣屬之水西溝所產最良鉛礦則到處皆有然採煉徒守舊法費繁運重估價仍昂兼以俄鐵價廉爭售以故採獲鐵鉛但能製造土礮傾鎔舊式槍礮彈丸及民間日需之用寶爾吉開採銀礦創辦已近兩年公家虧欸頗鉅委員賠累不堪而挖獲礦坯日出日絀卽在廠員弁夫勇亦多受瘴亡故<sub>臣</sub>於去冬商派俄礦師同往勘查亦稱此廠礦好而衰旺難定現祇酌留匠工夫勇數十名駐廠接挖如果再難暢旺擬卽奏請停止惟金礦爲利源所在遞奉

諭旨興辦<sub>臣</sub>與升任藩司丁振鐸鎮迪道兼臬司潘效蘇再三商酌擬派員與俄商夥辦以興地利藉資學習上年據情電商總理衙門飭令先與俄商妥議鈔錄合同俟奏資核准再行開辦等因<sub>臣</sub>隨飭司與駐烏魯木齊俄總領事吳司本迭次籌商有俄商墨

斯克溫願與夥辦派員同赴各處查勘礦苗據稱勘得塔爾巴哈臺屬之札工新興工蘭州灣及庫爾喀喇烏蘇屬之濟爾噶朗四處金苗較旺議定首年各出成本銀三萬兩會同購機修廠次第試辦請以二十五年爲期無利不拘年限停止每地一段歲納地租銀三百兩獲利均分不再徵收金稅先訂合同二十一條正月二十六日<sup>臣</sup>將緊要各節電請總署代奏欽奉

電旨交總署會同礦路總局迅速妥議俟覆奏再行電飭遵照欽此旋承准電覆合同尙須酌改一塔城等處均係蒙地應先商明該部落劃清界址此外可開金礦隨時奏聞不得籠統載入致被俄商把持爭執地租一項應分別地段廣狹定價以免偏枯一礦產出井出口均應納稅所得餘利亦應提成充餉以符定章一銀銅煤炭礦各歸各案奏辦不得一併敍入以上各條應先與俄領事等商改後暫准試辦仍俟合同全文到時覆核奏准方能定案

二月初六日奉

新疆圖志

奏議十四

十

旨依議欽此咨新照辦<sup>臣</sup>遵卽轉行妥爲商改經前署藩司潘效蘇護理鎮迪道朱冕榮復與俄總領事和衷籌商另議簡明合同十九條其中緊要各端如塔城等處礦地劃清界址每段不過俄尺十里每段每年公納地租銀三百兩津貼蒙民此外可開金礦及銀銅煤鐵各礦一併刪除均未載入約內金稅一層徐與磋磨商加俄商應允每年截算一次得金一千五百兩以內百分抽一千五百兩至二千五百兩百分抽三二千五百兩以外每百抽五無論出井出口均只認稅一道提成一層該俄商等謂遠來中國夥辦金礦先費資本已多將來利益若何尙不可必現議地租金稅已屬竭力勉從若再提成力恐不逮等情維礦務章程所載官商華洋股分皆不與交涉相關然提成充餉大利不盡歸公新疆此次會辦金礦司庫籌提成本得金若干除清還成本開支廠費外餘皆涓滴歸公概充餉項較之定章提繳二五公家得利尤多俄領事旣堅執祇認金稅一道不允提成自應准予通融俟辦

有成效每歲公廠年終結報公家實應分利若干卽行全數報明戶部聽候指撥總求逐漸推廣如果中屬匠工隨同學習有成效時另設專廠卽可開利無窮該俄領事等因合同改定機器匠工已先後到齊商請派員會同設廠置機立候興工現已派委熟習俄文言文語之候補知府桂榮馳赴塔城工所充當總辦另委候補巡檢王鴻業施再萌候選從九段子麟一同前往幫辦採運監工稽查等事各專責成仍一面與俄領事議定暫作試辦俟合同覆奏奉

旨允准彼此畫押蓋印方准定案廠內需用成本新疆應認銀三萬兩司庫暫無閒欸可提已由軍需項下騰挪支撥交桂榮帶以備用將來公廠獲利仍照數歸還以符原議臣爲新疆利源起見是否有當謹恭摺具陳伏祈

聖鑒訓示施行

撫循回衆扼防邊境摺

新疆圖志

奏議十四

十一

竊臣承准軍機大臣字寄光緒二十五年九月初五日奉

上諭有人奏甘隴客回太衆請飭設法鈐束並嚴檄防軍於北路扼要防堵各摺片甘肅回匪上年經官軍勦定後餘孽尙多本年五六月間新疆綏來及甘肅海城地方復有謀逆之事雖經隨時撲滅惟回衆良莠不齊思患預防不可不善爲利馭著陶模等嚴飭各營加意防範著責成地方牧令實力撫循務使懷德畏威潛消異志新疆密邇俄境尤恐逆回餘黨出界竄擾並著饒應祺派撥防軍扼要堵截以靖邊圉原摺片均著鈔給閱看將此諭令知之欽此遵

旨寄信前來仰見

朝廷籌邊綏遠思患預防莫名欽佩臣維新疆本北準南回自乾隆勘定後回族遂徧於南北迨陝甘回變經大軍節節追勦逃竄來新白逆敗遁入俄餘衆仍收留南北兩路上年河湟之變竄匪出關官軍勦撫解赴羅布淖爾安插者僅數千人而婦孺老弱就

撫爲氓分散四方隨地謀食者約數萬計近年關內糧貴回民由甘肅領票遷徙西來據哈密營卡所報每月或三四百人一二百人絡繹不絕於途臣以漢回皆

國家子民隴塞莫非王土謀弭內患者曾有徙回關外之議前奉諭旨垂問臣以事體重大籌辦維艱商由督臣陶模覆陳在案嗣因軍事就平關內回民復扶老攜幼不遠數千里接續自來臣職任撫綏不敢意存畛域且以密邇強鄰非加意拊循難免爲毆叢毆淵之漸因飭屬聽其依附親族農工商賈各自謀生藉爲實邊之計較徙減等人犯屯墾者尙少逃亡邇年來省城及古城等處商民庶富漸臻較前似大有起色夏間綏來回逆滋事查係以前土客回民新來之戶皆未與聞惟人數既多良莠不一臣現飭各屬編查保甲凡業工藝商農者一體列入戶冊其實無執業者概令酌撥荒地責成開墾暫緩升科使各有爲善之資庶不致窮無所歸流而爲匪第應籌牛具籽種等費爲數不貲當此時事艱難勢不能另請撥欸臣擬就每年所撥善後欸內酌量勻給飭令各廳州縣盡心籌辦妥爲安置以副諭旨實力撫循之意所有墾費伏祈

飭部立案以便歸入常年銷冊造報至所屬邊境西北界俄西南界英處處壤地相接臣深慮逆回出界竄擾是以前值綏來回匪謀叛卽咨明提鎮通飭南北各路營旗嚴密設防並電知伊犁將軍塔爾巴哈臺參贊大臣暨喀喇沙爾各蒙部派兵會同扼守各隘口合力堵截幸賴

聖主威福隨時殲除未致紛竄爲患八月初烏什回民白進才李長幅劉大彝哈永荃馬得幅黃魁等知綏來回叛而不知已全數撲滅密約會匪數十人於八月十二日晚放礮起事有成則與綏來合夥敗則走哈喇湖之說幸營弁訪聞得實倉猝告變經該署副將湯詠山署同知高敬昌立時捕擒首犯七名訊明正法被脅餘匪分別輕重懲釋邊境已如舊又安臣思回性多疑善詐貪狠

好殺漢唐迄今習俗難改而惡惡好善祈福悔禍人情大抵相同其久經變亂之人知作孽難追天厭人誅從前之遷播流離玉門之敗亡凍餓未嘗不悔於厥心間有不逞之徒誘之爲亂多不願從故歷次俱難集事迅卽平定良以性質雖多頑梗要亦不盡無良結之以恩未必不樂爲我用臣仰體

聖主如天之仁賞罰賑卹無分漢回省城南關之修廂城羅布淖爾爲之設縣治該回等尙知無歧視之心同安耕鑿是以聞變秘告俱畏牽連此次綏來叛事回紳出力最多尤其明證臣不敢謂彼族長治久安不再滋事但收之宇下叛則討服則舍生殺予奪之權操縱在我辦理尙不爲難若一經越界則捕之棘手適貽他人以口實白黨之在哈喇湖迄今猶爲隱患現聞苦其苛斂各有歸心俄官因其人多桀驁亦不樂於招攜刻尙相安無事然聲類相通究不可不時加密查防其勾結此微臣區區愚衷勉籌大局不自量力甘爲其難明知回衆難於馭制而不敢禁其不來拒送

新疆圖志

奏議十四

十三

回甘留患於關內亦不敢麾之使去驅逐出疆移禍於境外也惟新省幅員遼濶隘口紛歧處處設防兵力殊嫌單薄臣惟有修明政治講求武備撫循務寬防範務嚴恪遵

聖訓咸使懷德畏威以消異志而靖邊圉其各處舊設卡倫暨緊要邊隘仍嚴飭該防軍堅守梭巡無任匪徒出界侵擾致啟邊釁以紓

朝廷西顧之憂臣爲鞏固邊防起見是否有當伏祈聖鑒訓示施行

焉耆府仍辦蒙部交涉事件及改留照磨巡檢片

竊臣前奏新疆羅布淖爾屯田安插就緒謹擬建治設官以資彈壓一摺經吏部等會同議覆所請升喀喇沙爾廳同知爲焉耆府知府添設知縣縣丞典史及遊擊守備千把文武各缺均已照准惟該同知所屬之照磨布告爾巡檢二缺仍令體察裁改並將一切未盡事宜會商妥籌再行奏明辦理等因覆奏奉

旨依議欽此欽遵咨新<sup>臣</sup> 遵即督同藩臬兩司細加體察查新設焉耆府知府與土爾扈特和碩特游牧地方犬牙相錯時有蒙民交涉事件原設喀喇沙爾同知曾加理事同知銜現已改升知府礙難再兼小銜應請嗣後凡遇蒙部交涉事件悉令照舊會辦藉資撫馭原設同知照磨一缺該廳既升府轄縣遇有代折代行護印等事必須品秩稍崇之員就近派委擬請升同知照磨爲府經歷仿迪化府經歷兼管司獄事應設吏役額數並應支廉費俸工照依新省府經歷定章辦理併案開單咨部立案將來應定爲何項缺分俟委署一次後與知府等缺一併酌定奏咨照吉林新章由外揀補一次以資治理布告爾巡檢一缺地方繁庶彈壓稽查均關緊要應仍照舊設官駐守該處距新平縣較遠地界不相毗連擬仿雲南貴州等省巡檢徑隸知府之例仍歸焉耆府管轄毋庸裁改等情由署布政使潘效蘇會同署鎮迪道兼按察使銜李滋森具詳請

新疆圖志

奏議十四

十四

奏前來<sup>臣</sup> 覆核該司等所議尙爲因地制宜起見相應仰懇天恩飭部核覆以便遵循謹奏

建設伊犁總兵衙署濟木薩城垣省城軍裝局火藥庫片

竊新疆南北兩路城垣暨文武衙署各工凡已修理完竣者業經隨時造銷在案惟伊犁總兵職在守邊責任綦重且沿邊緊接俄壤交涉事務極繁衙署不修外無以壯遠觀內無以輯衆志切實勘估共需料銀一萬五千六百餘兩又迪化府阜康縣屬之濟木薩爲北通蒙古要道亦省城東路保障形勢扼要該處舊有城垣低薄狹隘兵燹後倒塌殆盡前飭委勘推廣修築估需工料銀七千八百餘兩又新疆自設省以來採買外洋槍礮修整舊存軍械製造火藥數各不貲亟應妥慎存儲以備緩急擬擇高敞地面建修軍裝總局暨東西火藥庫分別確估共需工料銀八千九百餘兩前項工程食糧均不在內派勇幫工僅議照章給予犒賞等情由前署藩司潘效蘇詳請具

奏前來<sup>臣</sup>維現值時艱欸絀各省工程均應停辦第念新疆建治設官城署各工從前均議次第修理伊犁爲巖疆重鎮衙署不修洵不足以示威望濟木薩城垣爲蒙部屏蔽設戍屯糧均關緊要槍礮軍裝爲邊防重件新省採存較多度藏尤宜慎密<sup>臣</sup>擬分起興修與督<sup>臣</sup>陶模往返函商意見相同已飭先期舉辦所需銀兩仍請於歲撥善後經費項下動用不另請欸除俟工竣核實報銷外謹會同陝甘總督陶模附片具陳伏乞

聖鑒訓示飭部立案施行

會奏新疆增改府廳州縣各缺摺

竊維綏邊置吏因地以制宜增治建官隨時而盡善新疆爲古西域三十六國周迴二萬餘里前任督<sup>臣</sup>左宗棠於光緒四年克復全疆後

奏請改建行省擬設郡縣頗多督<sup>臣</sup>譚鍾麟以地方新復議暫於南路喀什噶爾阿克蘇兩處各設巡道七城各設一官復經撫<sup>臣</sup>

新疆圖志

奏議十四

十五

劉錦棠通籌全局會商具奏於東四城設喀喇沙爾直隸廳溫宿直隸州轄拜城縣庫車直隸廳烏什直隸廳西四城設疏勒直隸州轄疏附縣英吉沙爾廳莎車直隸州轄葉城縣和闐直隸州轄于闐縣瑪喇巴什廳南八城建置既定始建省治於迪化城十一年

簡放劉錦棠爲甘肅新疆巡撫調甘肅布政使魏光燾爲新疆布政使原設鎮迪道加按察使銜兼管全疆刑名驛傳事務奏請升迪化直隸州爲迪化府添設迪化縣爲附郭首縣餘仍舊又升伊犁廳爲伊犁府增綏定甯遠兩縣添設庫爾喀喇烏蘇直隸廳精河直隸廳升塔城通判爲直隸廳同知裁霍爾果斯巡檢改設分防通判計通省四道二府十一廳四直隸州十一縣其時種民多未復業地曠人稀所設地方官足資控制迄今已十有八年土客回纏生齒日衆邊境安謐歲事屢豐關內漢回携眷來新就食承墾傭工經商者絡繹不絕土地開闢戶口日繁而原設一州縣所

轄或千餘里數百里撫字催科遠難親到不得不分派司事並用鄉約回目以助之而弊端歧出良懦之民多受其魚肉狡詐之民動肆其刁強牧令疏於防範率多撤任遇有命盜案件呈報勘驗往來動經彌月傷形腐變兇犯遠颺辦理實多爲難且府少而直隸廳州較多升調鼓舞之術有時而窮表率督察之權亦欠專重揆之今日形勢非增設廳縣升設郡守不足以宏治化而安邊氓查喀什噶爾道屬無知府惟三直隸州而疏勒州爲道首轄廣延一千一百餘里徵糧一萬八千餘石地富民繁五方雜處極邊重要擬請改升爲府名曰疏勒府原轄疏附縣徵糧一萬九千餘石兩處轄境均寬訟獄錢糧多難兼顧查有距府一百八十里之排素巴特當東路之衝居民繁庶歷駐防營彈壓不如添設縣治劃附近罕愛里克大莊轄之增設一縣唐伽師城擬名曰伽師縣莎車直隸州袤延一千一百餘里地廣而腴近年新墾三十餘萬畝爲通省之最英商麇集交涉尤繁擬請改升爲府名曰莎車府所

## 新疆圖志

奏議十四

十六

轄葉城縣地亦膏腴且廣應劃府南之坡斯坎再益以縣北之一肯蘇各莊增設一縣其水爲澤普勒善河擬名曰澤普縣又莎車西南七百四十里之色勒庫爾爲坎巨提出入要路西踰阿克塔什又與英俄接壤年來駐紮防營常多交涉採運糧草開墾地畝必需得人經理擬請設分防通判地爲古蒲犁國擬名曰蒲犁通判和闐直隸州廣延一千八百里徵糧二萬五千餘石銀一千四百餘兩轄縣于闐徵糧八千三百餘石銀九千八百九十餘兩距縣四百里之洛浦莊地廣民強擬劃兩屬地糧增設一縣名曰洛浦縣瑪喇巴什直隸廳水利通判廣延八百里徵糧九百石銀一千三百餘兩時與疏勒有爭水爭界之事擬請改廳爲知州歸疏勒府管轄庶無畛域之分地爲古巴爾楚名曰巴楚州此擬西四城增設大略也阿克蘇道屬溫宿直隸州廣延一千五十里徵糧一萬九百九十餘石銀六千八百餘兩地腴民富南疆要衝擬請升爲府曰溫宿府舊城巡檢距府二十餘里巡檢職卑難資管轄



擬請升爲縣曰溫宿縣距縣四百八十里之柯爾坪地遠民頑擬增設分防縣丞曰柯坪縣丞一員以資佐理焉耆府南六百三十里布告爾分防巡檢地廣民多詞訟錢糧向由該巡檢就近代理不如分設一縣以專責成其地爲古輪臺擬名曰輪臺縣新平縣轄境二千餘里光緒二十四年<sup>臣</sup>以羅布淖爾撫輯纏回均已歸化安插甘回亦已就緒奏請改設一縣以資撫綏近因升署該府現任阿克蘇道江遇璞與現署該府劉嘉德設法開通溝渠招民屯墾業已水利暢行足蔭地數十萬畝該縣令草創經營近且不遑難再遠及距縣十餘站之卡克里克分防縣丞地小而腴轄境甚遠東接敦煌南通于闐爲邊隅衝要之區擬請升爲縣以便專意開墾地方經理民事其地爲古婁羌國即名曰婁羌縣庫車直隸廳廣延八百里徵糧一萬餘石銀五千五百餘兩土性沃饒轄境遼濶擬請改爲州曰康車直隸州州南一百八十里之沙雅爾民風强健地僻而寬先年開辦善後本爲庫車分局不可無官鎮

## 新疆圖志

奏議十四

十七

攝擬請添設一縣名曰沙雅縣仍歸庫車轄此擬東四城增設大略也至於北路原設廳縣尙多惟迪化府阜康縣屬濟木薩縣丞距縣城二百五十里土地膏腴錢糧戶口較阜康爲多未便末大於本擬請升爲縣其底驛爲孚遠即名曰孚遠縣吐魯番直隸廳同知廣袤六百餘里徵糧一萬七千餘石銀二千一百餘兩距廳二百四十里之闡展巡檢轄境甚遠物產頗饒爲東南路衝要擬請分劃地糧改升爲縣地爲古鄯善國即名曰鄯善縣仍歸廳轄濟木薩縣丞既升爲縣昌吉所屬之呼圖壁巡檢向收錢糧應改爲縣丞以便升調以上計擬升設三府改一直隸州一州增一通判九縣兩縣丞並各縣擬增設一典史如此分地而理庶民事可就近經理地利可逐漸墾興邊防亦益增嚴密矣其升設之知府卽仿照焉耆府例仍舊徵收錢糧管理訟獄卽以該直隸州舊有之養廉移爲知府養廉直隸廳改直隸州與知州亦然其缺均優原准公費悉行裁減增設分設之縣卽以該州縣原有之公費移

作養廉所升三府之州吏目卽改爲府經歷改直隸州之庫車照磨改州之瑪喇巴什廳照磨均改爲州吏目其餘有應添廉俸及縣丞典史俸薪書役工食修理衙署倉廩監獄經費擬仿照內地經徵錢糧例加收耗羨酌留動支升增各州縣皆舊有驛站不過酌增數處不須多添驛費均暫由善後項下開支不另請欸除原有防營照舊駐防外其無防營者由就近防營撥駐亦毋庸再添防兵此皆亟應變置之事就地可以籌辦<sub>臣</sub>應祺自光緒十五年出塞宣藩察看地勢民情卽擬變通辦理而未敢操切圖功歷經十四年悉心考察欲圖長治久安之策實無逾此亦何敢苟且遷延因循以廢吏治與<sub>臣</sub>蕃再三往復函電相商<sub>臣</sub>蕃查從前設官甚少係因地曠人稀現在人稠地闢政務殷繁委屬鞭長難及增設邊縣實爲良圖亟應詳議入告於吏事邊事均有裨益所有酌擬增設郡縣情形茲據甘肅新疆布按兩司會議請奏前來謹會同伊犁將軍<sub>臣</sub>長庚署喀什噶爾提督<sub>臣</sub>谷振傑合詞恭摺具奏

新疆圖志

奏議十四

十八

是否有當仰懇

天恩俯念邊疆重要地多官少

飭部議准照辦如蒙

俞允卽請

飭鑄各府廳州縣印信並補刊焉耆府新平縣印信派員祇領頒發啟用以昭信守至各府廳州縣如何劃分地界勻撥錢糧及各應作何項缺分與一切未盡事宜容俟奉准部覆後再行陸續分別奏陳再此摺係<sub>臣</sub>應祺主稿合併聲明伏祈  
聖鑒訓示施行